



Inatsisartunut ilaasortaq
Mala Høy Kúko, Siumut
/Aana

Qilalukkat qernertat aamma qilalukkat qaqortat kisinneqarnissaannut tunngatillugu § 37 naapertorlugu apeqquteqaammut nr. 90 -2023-mut akis-sut.

Asasara Mala Høy Kúko

Inatsisartut suleriaasianni § 37, imm. 1 naapertorlugu qilalukkanik qernertanik aamma qilalukkanik qaqortanik kisitsinissaq pillugu Naalakkersuisunut apeqquteqaateqarputit. Apeqqutitit uannit akineqartussanngorlugit innersuunneqarput.

Allakkat ulluat: 16-05-2023
Suliap normua.: 2023 - 12042
Allagaatip ilisarnaataa:
22988088

Postboks 1614
3900 Nuuk
Oqarasuaat.: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

1. Kalaallit Nunaani tunup avannaani nunamik eqqissimatitsisoqarpoq. Qilalukkat qernertat aamma qilalukkat qaqortat kisinneqarneranni nuna eqqissimatitaasup sineriaa ilanngullugu kisitsinermi ilanngunneqarsimava?

Akissut: Kalaallit Nunaanni Pinngortitaleriffik paasissutissiivoq, Kalaallit Nunaani tunup avannaani, nunap eqqissimatitaasup imartaani ataatsimik arlalinnilluunniit qilalugaqarfeqartoq. Taakku kisinneqarput Kalaallit Nunaanni tunup avannaani aasakkut 2017 aamma 2018-imi, avatangiisinut nalilersuinermit atatillugu sumiiffimmi uuliasiortoqarsinnaaneranut akuersissuteqartoqarsinnaaneranut tunngatillugu.

Kalaallit Nunaani tunup avannaani qilalukkat piniarneqarneq ajorput, taammattumik Kalaallit Nunaanni Pinngortitaleriffiup nalinginnaasumik nakkutigisassaanut pilersaarutaareersunut ilaangillat, taamaallaalli uani pineqarmata piniagassat piniarneqartartut.

a. Taamattoqanngippat, taava suna pequtaava?

Akissut: Qulaani pineqartoq takuuk.

2. Kisitsinermi sineriaq eqqissimatinneqartoq ilaatinneqarneq ajorpat, ilanngunneqassagaluarpallu, taava aningaasatigut tamanna qanoq kin-guneqartitsissava?

Akissut: Kalaallit Nunaanni Pinngortitaleriffiup paasissutissiissutigaa, siusinnerusukkut nunami eqqissimatinneqartumi misissuinermi qilalukkanik kisitsiner-mi 3 millioner kr-nit missaanik akeqarsimasoq.

a. Piffimmi pineqartumi kisitsisoqassagaluarpat, taava periuseq qanoq it-

toq atussallugu naatsorsuutigineqassava?

Akissut: Qilalukkat timmisartumiit kisinneqassapput.

Inussianersumik inuulluaqqusillunga,

Kalistat Lund